

Hmar Christian Fellowship, Delhi

Thupui: Khawvel po poah fe unla thil siemhai po po kuomah ChanchinTha hi hril ro. Marka 16:15

Executive Committee

Chairman Upa Dr Lalsiemlien Pulamte
Vice Chairman Upa Ruolkhumlien Buhril
Secretary Pu Hrangkaplien Sinate
Asstt. Secretary Pu Herbert Lalsanglur
Secy Fin (M) Pu Darsuothang
Secy Fin (G) Pu HK Kawllienthang
Secy Evan/Msn Pastor Lalsiesang Joute
Thalai Chairman Pu Immanuel L Khawbung
Nuhmei Chairperson: Pi Haulientling
Membarhai: Pu Benjamin Khawbung
Pu Lalchungsiem Thlawngate
Pu LH Hrangchal

Nuhmei Pawl Committee

Chairperson Pi Haulientling
Secretary Pi Chonghoikim Inbuon
Asst. Secretary Dr Grace Khawbung
Fin. Secy (Gen) Pi Rohlun Hrangchal
Fin. Secy (Msn) Pi Lalrotluong Pulamte
Ebenezar/Talent Pi Remthangmawi

Nominated Members:

Pi Mary Thagen Pi Hoilam
Pi Rebeck Buhril Pi Lalengmawi
Pi Lalhuolhim

Thalai Pawl Committee

Chairman Pu Immanuel L Khawbung
Vice Chairman Tv David Joute
Secretary Tv Lalneilien Inbuon
Asst. Secretary Nk Dorothy Lalneizo
Fin. Secy (Gen) Pi Esther Lalramhuol
Fin. Secy (Msn) Nk Jenneth Varte
Music Secretary Tv Nehemiah D Ruolngul
Asst. Music Secretary Tv. Eliazer Sungte

Church Building Project:

Chairman Upa Lalsiemlien Pulamte
Secretary LH Hrangchal
Finance Benjamin Khawbung
Members Pastor Lalsiesang
Lalchungsiem Thawngate
Immanuel Khawbung

Naupang Sande Sikul

Pu Lalremthang Hmar Superintendent
Pu Laltlana Chhangte Pu Lalhmingtha
Pi Dr Lalsanghnm Pi Zolienmawi
Pi Judith Sanate Nk. Esther Lalditsak
Pi Vida Lalzarzo Nk Alice Tingthiem
Nk Nienghoikim Tv.Hrilzarlien
Pi Lalhuolhim Tv. Nehemia Ruolngul
Pi. Lalneihnem Varte

Vengbuk Inkhawm Thuoituhai

Vikaspuri

Immanuel Khobung, Lalremthang Hmar,
Carlson Amow

RK Puram-I

Haulientling

RK Puram-II

Thanglalmuon, Vanlalthang, Chalthanthieng

Safdarjung Enclave

Hrangkaplien, Michael Fimate

Vasant Vihar

Darsuothang, Lalchungnhung, LH Hrangchal

Mahipalpur

Benjamin Khawbung, Joseph Lalremlien

Mehrauli

Crossmawi Varte, Kim Thlawngate

South Extension

Stephenie Pudaite

Munirka

Nk. Lalruotmawi Pudaite, Cliff Vanlalthuom Hekte,
Joycy Zionkim.

D.U North

Tv. Lalhrietsung Sanate, Nk. Thelma

Mission Thawktuhai

Pastor Lalsiesang	Evan Raman Lal	Evan Jostna Lal	Evan Rehana
Pi Grace Khawbung	Evan Pramod Kumar	Tv. Hrilzarlien Khawbung	Tv. Saint Paul
Pu Lalngilnei Khawbung	Evan Dinesh Kumar		

Vol-8. No.2

Dec 2013



Hrepuitu

HMAR CHRISTIAN FELLOWSHIP DELHI CHANCHINBU

HCFD Silver Jubilee Sermon - Rev. Rothanglien Hmar

**JUDAHAI LAL HUNG PIENG CHU KHAWLAI AM A UM A?
- Pastor Lalsiesang Zote**

Chuong thil po po chu a hrepuitu in nih. (Luka 24:48)

Hrieputu: December 2013

Hrieputu: December 2013

Hrepuitu

Hmar Christian Fellowship
Delhi

Chanchinbu Thlakip Suok
Vol. 8. No. 2 (Dec 2013)

Editor:

Pastor Lalsiesang Zote

Jt. Editor:

Upa Lalsiemlien Pulamte
Upa Ruolkhumlien Buhrlil

Editorial Members:

Lalchungsiem Thlawngate

Address:

Editor, **Hrepuitu**,
8B - DDA Flat,
Pocket-II, Sector - 6
Dwarka,
New Delhi - 110075

Tel: 08860845878

Email: hrepuitu@yahoo.com

Lakman:

Copy khat Rs 10.00
Kum khat Rs 100.00

Suttu:

Pastor Lalsiezang Zote
(Hmar Christian Fellowship
Delhi aiin)

Hi chanchinbu-a hin Hmar
Christian Fellowship Delhi le a
rongbawlna chanchin a chuong
a. A sunga thuhai hi Pathien
rongbawlna hmangruoa hmang
nuom ta dingin hmangawng le
lâksawng thei a nih a. Thawsuol
le sukdi knaw pal thua ruok chu
ahmangtu'n maw phur a tih.
Ngaidân suklanga um(hai) hi
HCF Delhi ngaidan a(n) ni
chuong kher nawh.

- Editor

Editorial.....

. “....Thutak hrieng in ta, thutak chun inzalentir a ti cheu.”
Johan,8:32, ti tu ei Lalpa Isu hmingin chibai. Tukum vengbuk
beiruola thupuia ei nei “Krista a zalenna” ti hi hril nuom tamtak
ei nei seng ring a um. Pathienthu tak hriet dik hi a pawimaw a,
dan naranin eini rawi hi Pathienthu tak hril nekin mani ngaidana
Pathienthu hril hi ei thaw nasa khawpel. Thu hriltu threnkhat
chu, A hmasan Pathien thu’n iem a hril ti ngaituo nekin, an ni
ngairuotna an hril nuom le inhme dinga Bible chang thlangin
Pathienthu niloin ngaidan an hril hlak, Pathienthu tak hriet
dikna tieng ei tlasam leiin, buoi nawna dinga ei buoia, centenary
hman phak e ti lo chun ei buoia hai hi a tenau hle. Bible a
inziek lo ei ngaituona le dit dan ei hril nasa leiin, Pathien ram
umzie man fulo a Pathien rama dinga thahnemngai, Kohran
umzie hrechenglain Kohran ta dinga thahnemngai um thei a
nih. **Rome, 10:17a** “Chuongchun, ringna chu thu ngaitlaka
inthoka hung um a na, thu hrila um chu Isu Krista thu a nih,” ti
ei hmu. Ringna indik ei nei theina ding chun ei thu hriet/hril hi
an dik phawt a pawimaw. Ei thu ngaitlak dungzuiin ei ringna
hi an dik in, an dik naw thei a nih. Hmar hai laia hieng lawm
lawma ringtu hai inkhik inkhalna a tam khawm hi a san tak chu,
Pulpita Pathienthu tak hril nekin ngaidan hril ei ching lei a ni ti
inla inkhel naw nih. Hienghai leiin ei puitling thei nawa,
Pathienthu takin mi keihruoi loin ei ngaidan le dit danin a mi kei
hruoi lema. Krista a ei nina nekin pawla ei nina ei hril rawn lem
lein Krista a det loin pawla ei det lem. Thlaraua hrat le hratnaw
khawm hlim le hlim loin ei inkhi hlak a, ei hlim deu le hrat deua
in ngaiin, thawlawm pe rawn thei le pawl ta dinga inhman
rawn thei deu hai chu Pathienin a lawm bik deu ngaiin, chu
lama chun ei inthlan sieka, chu lampui chu thlaraua ei inthranglien
theina dinga, ei tlanna dinga an mi lo kaw hmu chu a ni hrim a
nih. Pathien chu suma suk lawm thei, mani pawl biek-in sunga
chau um thei sawnin, a rawngbawl ding chun; pawl le biek in
sunga lut naw chun A rawngbawl theilao in ngaina thlarau le
ngaidanin a mi chenchil nasa em em bawk. Hieng ang ngaidan
hai leiin Pathien chu chikte, um bikna nei, a thilthawtheina
khawm limit takin ei siem hlak. Hieng ang ngaidan thlarau rama
inhkawkin Krista chun min thla zalena, ei Pathien ropui tak chu
a dit dan a mi keihruoia thlaraua mi siem puitling hi a tum a nih.
Thu tak hrea taksa le thlaraua Kista a ei zalenna ni tina hre thar
peia kal chawi pei ding chun Pathien Thutak hi ei hriet a
pawimaw. Ringtu nisia, zalen taka Pathien ei chawi biek thei
nawna dam. Thlaraua hratnaw in ti ngawi ngawi le chau em ema
I um el kha, I ngaidan a ni el thei a nih ? ei ni le ei ni, ei inngaidan
hi, ei ni na an naw a, Pathienthu takin a mi ti dan hi ei ni na in dik
tak chu a ni lem. . “....Thutak hrieng in ta, thutak chun inzalentir
a ti cheu.”

HMAR CHRISTIAN FELLOWSHIP DELHI

2013 CHRISTMAS LE 2014 KUMTHAR PROGRAME.A HMUN: APOSTLES METHODIST CHURCH, IV/RK PURAM

A Ni le Hun

24.12.13(2000-2200)

(Basement)

Inkhawm keihruoitu : Pu. Darsuothang

Tantu/Sharing : Pi. Lalhuolhim

Thuhriltu : Rev.Neilai Darlong

25.12.13(1430-1700)

(Main Sanctuary)

Inkhawm keihruoitu : Pu. Lalremthang Hmar

Tantu/Sharing : Pi. Lalhrietpui Zote

Thuhriltu : Pastor Lalditsak Inbuon

(Naute chibaibukna inhlantu: Upa

Ruolkhumlien Buhrlil)

(Ruoi Inhlantu:Pastor Lalthlanglien Sungte)

25.12.13(1700-1800)

(Premises)

Christmas Ruoi Christmas Ruoi

25.12.13(1800-2030)

(Main Sanctuary)

Inkhawm keihruoitu : Pu. Lalthlana chhangte

Tantu/Sharing : Dr. Jeneth Stephen

Christmas Lengkhawm

a kar laka sharing nei nuom hai ta dingin

hun siem ning a tih

29.12.13(1530-1730)

(Main Sanctuary)

Inkhawm keihruoitu : Pu. Timothy Shakum

Tantu/Sharing : Dr.Dony Tuolte

Thuhriltu : Upa Ruolkhumlien Buhrlil

31.12.13(2000-2200)

(Basement)

Inkhawm keihruoitu : Tv. Zarzolien

Infimate

Tantu/Sharing : Mipui Tawngtairuol

Thuhriltu : Sharing/Lawmthu hrilna A

nuom taphawt

01.01.14(1430-1700)

(Main Sanctuary)

Inkhawm keihruoitu : Pu. Bemjamin

Khawbung

Tantu/Sharing : Pi. Rotluong Pulamte

Thuhriltu : Pastor Lalsiesang Zote

(Ruoi inhlantu: Rev. James R Sanate)

01.01.14(1700-1800) Kumthar Ruoi

Kumthar Ruoi Kumthar Ruoi

01.01.14(1800-2030)

(Main Sanctuary)

Inkhawm keihruoitu : Pu. Thanglalmuon

Hrangchal

Tantu/Sharing : Pi. BK Rose

Kumthar Lengkhawm : Lengkhawm a

kar laka sharing nei nuom hai ta dingin

hun siem ning a tih

Programme hai hi a tul anga siem

danglam thei ning a tih. Inkhawm zatin

Special no.nei beisei a nih

Pathien thutiem a thlung hai hi ei hriet thei ve am leh ? Bethlehem a lal thar hung pieng chu anni (mivarhai) lal ding an naw a, Judahai lal ding a Pathien inkhel ngailoin a mihai sandamtu ding a lo tiem lal Messiah ngei chu a ni ti hrezinghai sienkhawm, a hmel hmu chau khawm niloa chawibiek dinga an ro thil neihai le, an inthawk daw el hi, a hmel hmu an beisei Judahai Lal Isu Kirsta hin iengtinam a ngaive ding maw? **“Judahai lal hung pieng chu khawl lai am a um a? Khawsak tieng a arasi kan hmu a, ama chawibiek dingin kan hung a nih”**. Pieng dan reng a Pathien mi le sa khawm nilo Krista zar chaw Pathien nauhaia inbuka umhai, **Kristmas a hin ei hmu nuom tak iem a na ?** A pieng tah Isu hmu tum loa, a malsawmna zawng lem tu hai chun Kristmas indik tak hmang fu ngai naw ni hai. Mivarhai hin naute kuoma hin beisei iengkhawm an nei nawh, an beisei tak le an hmu nuom tak chu Judahai lal hung pieng chu a nih, an hmuzet chun nasatakin an lawm a, an lawmna tak chu Pathienthu tiem Judahai lal hung pieng an hmu chu a ni , hlasientun “Isu ka lawmna tak ni la, hnuoia le van a khawm, kan suong tak chu nang chau nila, chatuon hun chen khawmin” ti hla hi la siemnaw sienkhawm an hmel le an khawsaka inthawkin an lo sak dei an tah; ranthlenga zal naute a chun Pathien ropuina, thilthawtheina le a hmangeina mak tak an hmusa ni ngei a tih, hmunaw ding malsawmna iengkhawm beiseina thrang thrak loin lawmnain an

ro robawmhai an hong, thilpek rangkachak dam beraw dam le mura dam an pek a hnuoi sakin an chawibiek el a nih. Hi hi chawibiek (worship) chu a nih, chawibiek (worship) hi inpekna thrangloin a thei nawh. Vawisuna einin chawibiek ei inbuk tak chu inpakna hla saka lam hi a ni deu takin an lang. Chawibiek (worship) indik tak chu a ni phak naw deu nisien a hawi. Ranthlenga zal lal chu naute nisienkhawm Lal tak, hnuoi le vana thuneitu a ni ti an hriet a, inza-takin lal kuoma an puma inpekin naute chu an chawibiek a nih.

Bethlehem ran inah hung pieng naute hi, zawlnei tamtakin Israelhai sandamtu ding a ni ti lo hrillaw hla hai sienkhawm, Ama chu lunginsietna le thutakin a sipa, Pathien nau nei sun ropuina chu tia chanchinthra Johan 1: 14a a lo hril angin, Hmangaina le lunginsietna a piengpuia, thuthlunglui huna; Israelhai chau Pathien ni hla chu , Ama beiseitna neitu le lawmtuhai kuoma chun a hung inpuong ta a, chu zet chun Hosea hmanga Pathienin a lo hril lawk; “Ka mi ni ngai loh ai chu, ka mihai ti tang ka ta; Hmangai ngai naw nu chu, Hmangai nu ting ka ti” tia a lo hril lawk angin Pathien nau ni ngai lo ding chu Bethlehem naute pieng leiin Pathiennaua in buk ei ni ta a. Chuleiin, Isu Krista hung pieng chu mitin ta dinga chanchinthra lawm um bek bek a ni, hrea lawmtu hai chu mi hamthra tak an nih.

Sermon.....

HCFD Silver Jubilee lawmna a Rev. Rothanglien Hmar a thuhril.

Vawisun silver jubilee lawmna a hunghai po po Lalpa Isu sandamtu hmingin chibai ka buk cheu. Hmar Christian Fellowship Delhi in silver Jubilee lawmna a rawngbawl dinga hun thra tak in mi pek hi ditsakna ropui tak ni in ka hrieta, ka lawm ngawt el. Lalpan, hi hun a mi thruoi thlung leiin, Ama chu inpakin um rawse. Hi silver jubilee lawmna a ei thupui chu Trap hla, 3:22,23 a na, chu dungzui chun ka thu hril ding hi ka hung inbuotsei a nih, chu chu “Pathien ringumna a ropui” ti a ni. Tap Hla 3:22,23 hi kei ma inlet dan chun; “Lalpa lunginsietna leiin a nih, suk boh manga ei um hri naw, a lainatna a threl ngai nawh, Zingkartinin an thara; I ringumna chu a ropui” Pathien ringumna ropui zie hi hril ding tam tak a um a, nisienkhawm pathum chau ka hril ding a nih:

Pakhatna: A thutiem tin a hlen leiin, a ringumna chu a ropui a ni. Pathien thutiem hi pahnia thre thei a ni, a pakhatna a chun; A thu zira a thutiemhai (conditional promises) Entirnan: 2Chro 7:14, A mihaiin suol an sim chun ngaidam a ta an ram suk dam a tih. An simnaw chun ngaidam naw nia, an ram suk damnaw nih. Pathien thutiem pahnia chu; A thuzir nilova a thutiemhai (unconditional promises) Entirnan: Gen 3:15, Khawvel sandamtu ding pek a tiem chu ienkong khawmin a hlen ding a ni, chuong ang thutiem nghethai chu a ni vawisuna ka hril tum tak chuh.

Mihriem ringumna chu a nghet naw em ema, Pathien ringumna ruokchu a ngheta, chatuonin a pangngai zing a ni “Iengtika khawm thlathlam naw tawp ka ti chea, maksan ngai naw baw ka ti che” a ti, Heb 13:5. Eden huona Adam le Evi suola an tluk khan Pathien chun sandamtu pek a tiem a (Gen 3:15). Nuhmei chi a inthawka suokin sandamtu pek a tiem a ni, A thutiem chu Abraham kuoma a suk thar a (Gen. 22:18) chu zova chun David a a namngheta, Davida a chun sandamtu bak niloin Israel Lal khawm ni dingin a tiem a (2Samuel, 7:16. Mt 1:1) Chu a thutiem chu fe peiin Mary pasal Joseph

a hung inlangin, a tawpa sandamtu le Israel Lal dingin Isu Krista chu Mary sunga inthawkin Bethlehem a hung pieng ta a nih (Lk.2:11) Gen 3:15a nuhmei chi a ti kha zuk sui zui met in la, mihriem hringna thar insiem dingin pasal le nuhmei chi inpol a tul, chu nuhmei chi le pasal chi inpolna a chun naute chun hringna bul (life principle) chu pasal chia inthawkin a dawng a nih. Isu Krista insiem dan ruok chu hringna bul (life principle) chu Thlarau Thienghlim a inthawkin a dawng a ni. Chuleiin Krista hringna a khan suol a lut ve nawa, sunga a umlai khawm khan nu le naute naran angin, nu le naukara thisen inpek tuona kha a nei ve nawa. Chuleiin Mary thisen suol kai chu Isu thisen-zama a luong lut naw a nih. Isu chu suol neilo, thienghlimin a pieng a ni, suol nei lo a ni leiin misuol sandamtu a ni thei a nih. Eden huona inthawkin khan Pathien chun sandamtu Krista chu suol neilova a pieng dan ding rem a lo ruot ta a ni.

Israel Lal a ni thei dan: Thuthlung thara Isu hung pieng dan le inthla sawng dan suina pahni a uma, Luka 3:23-38 le Mathai, 1:1-17. Luka chun Isu chu khawvel sandamtu ding a ni zie hrilin, a thlatu a suina a khawm Adam chenin a sua. Mathai ruok chun

Isu chu Israel Lal ding a ni zie a tarlang a, an thlasawng dan a suina a chun Abraham chen chau a sui, Abraham hmain Juda mi an um nawh; Israel Lal a nina chu David a a namnghet a (2Samuel 7:16 & Mt 1:1) chuleiin Israel ni ding chun David a thlaa inthawka insieng lal sungkuo a ni ngei ding a nih. Mary tienga sui an chun Isu kha Israel Lal a ni thei naw, a san chu Mary kha David nau dang Nathan a inthawka pieng a nia, Lal sungkuo nina tak kha David a inthawkin Solomona a fea, Isu pahrawn Joseph kha Solomon thla lalsungkuoa inthawka pieng a nia, indiktakin Isu khan Israel lal niin David Lal thungpha a hluo thei a nih. Pathienin khawvel sandamtu ding Eden huona a tiem le Israel Lal dinga (Messiah) David kuoma a tiem chu a hlen a nih. Pathien ringumna chu a ropui ngei !

Pathienin Abraham le Sara chu an tar hnungin nau pakhat pek a tiem a, chuong ang ngei chun Isak a pienga (Gen 18:14) nau pakhat a inthawka a a thlahai tiem senglo arasi anga tam an ni ding a tiem bawk. Israelhai Aigupta a inthawka a thuoi suok Kanan rama a thuoi tlung hai khan 603550 tam an ni. Kum sawmli sung fak le dawn tlasam der lovin nitin manan a chawma (Joshua 21:45). Thil thra a tiem hai po po kim takin a hlen a, pakhat khawm hlen naw a nei nawh. Israelhai hi Pathien hnam thlang an ni leiin ei ni ringtuhaiin ei entawn ding an nih. Numbers 23:19 a chun hieng hin a hril Pathien chu mihriem an naw a, thu a tiemhai chu a hlen ngei ngei hlak a ti. 1Thes 5:24 chun a mi kotu chu a ringuma thaw khawm a thaw ngei ding a ni a ti bawk. Phil 4:19 a Paulan hieng hin a ziek, Ka Pathien chun Krista a a hausakna ropui tak chun in mamaw po po phurruk a ti a ti bawk. Pathien ringumna hi keima mimal a khawm tamtak

ka hmua; Rawngbawl dinga ka pen suok dingin Pathien kuoma ka tawngtaia “Lalpa, I rawngbawl ka tih, Amiruok chu nangin ka sungkuo mamawhai chu enkawl rawh” ka ta, ka phu bakin ka mamawhai a phurruka, tlaksamna le harsatna hril ruollo kan tawngchai a um, Nisienlakhawm kan nghei nawh. Kan nauhai pali school kai an tan ding chauin ka ruolnu le kan hlaw zeroa a tla thla a. mani inchawma rawngbawl in kan nauhai school thaa kan inkaitir thei hi thilmak a nih. Kum 1986 khan lungphu natna ka neia, Sunday school inchuktir zoin zantieng ka ruolnu le in kan inlawi, in kan tlung charin ka lungphu na taluoin ka tlu a. ka lungphu chu a na em em a, Lalpan ka hringna khawvel inthawkin a lak dim an ta maw ka ti hiel a nih. Kei nin nie iengkhawm kan nei naw lai zingin Kristien ruolthra Kohima a intawka hungin Vellorea kan in enkawl dan ding an mi ngaituo peka, vuongnaa min vuongtirin vellorea chun thla khan kan zu um a, ka ruolnu kei Doctor pana mi feputu chu a ma an operation lema. Kei chu operation thaw ta loin, kum hni fak ding damdawi an mi ziek pek a, thla thum ka fak hnungin Lalpan a mi suk dama vawisun chen hin lungphu natna chu ka nei ta nawh, hienglai huna kan hlaw chu cheng zathum a nih. Lalpa ringumna chu a ropui ngei. 1Peter 5:7 chun “Aman a ngaisak hlak cheu leiin in lungzingna po po ama chung a innghat ro” a ti. Pathien chu ring thlak, innghatna thlak a nih.

Pahnina: An tlanna le a sandamna famkim hin a ringumna ropui zie a tarlang. Isu'n kross chung a intlanna sin a zo khan mihriem chau an tlan nawha, suolin a suksiet thilsiem po po an tansa a ni, Heb 7:25 a chun hieng

the east) tia a Mathaiin a hrilhai hi Biblea an chanchin ziekna hi hmu ding a tam naw khawpel a, ei hmu theina um sun chu Mathai 2:1-12 sung hi a ni el awm, an chanchin hi Biblein mi ziekpekrawn naw sienkhawm Bible thiem tamtak ngaiven an nih. An chanchin hi hril dan chi dang dang a um bawk. Mi thiem threnkhathai hril dan chun; Mathaiin magi (mivar) tia a hril hai hi, Persian le Medean lal rama thiempu inthlasawng peihai kha nin an ringa, an ni hi mivar naran el ni loin, mi thiem filawr, mi dawnril, sakhuo tienga hrietna chungchuong nei, manghai che khom hril fie thei an nih. Khawvel le mihriem hring nun hi thla le arasihai le inkungkeina nei nin an hriet a, thla le arasi inlumlet vela inthawkin thil hung tlung dinghai an hriet lawk thei bawk, an ni hi sakhua tienga khawm thiempu hnam an ni chau niloin lal advisor an nia, lal dinga miruottu (king maker) khawm an nih. An ni pawl (magi) hi Persian lal rama khan thu an nei em em.

Iengtinam Jentel mivarin Jadahai lal pieng a hriet thei ning a ta? Kum zabi parukna Danielhai hun lai khawm khan Juda lal ram le Jentel lal ramhai hi an lo in chenchil hlak a ni ti Daniel lekhabu a inthawkin hmu thei in a um. Daniel lekhabu a ei hmu angin, Babulon lal Nebukadnezzar in Jerusalem a van huol a, Lalpa thuin Juda lal Jehoiakim le Israelhai lal thla le milien nauhai, tlangval pieng fel le hmel thra, thil hrang hrang inchuk thei dinga lungvar nei thlangsuokin Babulon tieng a thruoi ti ei

hmu. Daniel le a ruolhai Sala an thruoihai hi Babulon sakhuo, thiemna le varna hmanga an sakhuo (Juda sakhuo) chu in theinghiltira Babulon sakhuo in ringtira, an thiemna le varna chu Babulon lal ram ta ding a in hmangtir an tum a nih. Amiruok chu an ringnaw tieng dei a, Daniel le a ruolhaiin Babulon lal ram chu Juda sakhuo an in ringtir lem chau ni loin, Lal Nebukadnezzar ngeiin Daniel le a ruolhai Pathien chu Pathien a ni zie le Ama chau chu chawibiek ding a ni thu a puong-Daniel 3:28. Israelhai chu an hmelma hai a inthaw maktaka Pathienin a sanhim hlak leiin, Hnam dang le ram dang haiin Israel Pathien chu Pathien hring a ni an hriet theia -Joshua 2:9. Daniel lekhabu a ei hmu danin Daniel khawm kha Darius in lalna hnuoia Magi class (mivar) hai hotu a ni. Hienghai leiin, Jentel lal ram sunga mithiem filawr a bikin sakhua tienga an thruoitu le lal advisorhai khom khan Daniel Pathien, Judahai Pathien hi Pathien tak a ni ti hi an hriet a. Daniel Pathien a hring angin, Juda sakhuo-bua Pathien thu tiem le zawlnei tawngbauhai khawm chu indik dingin an ring bawk. Israel Pathien, Daniel Pathienin, Amihai sandamtu dinga Messiah pek a tiem le David Arasi la hung in lang dinghai hi lungril takin an lo thlir ve hlak ni ngei a tih.

Thu kharna: Jentel mi khawsak mivarhai hin arasi danglam tak an hmua inthawkin Pathien thutiem Juda lal Messiah a hung pieng an hriet thei ang hin, eini wawisuna ringtuhai hin ei khawvel inher danglam le thil thlunga inthawkin

hin a hril, “A tawp khaww chenin a sandam thei” tiin. Suol chu Eden huon intran an naw a Vana intran a ni lem (Isai 14:13), setan Lucifer chu chapo suolna leiin vana inthawkin hnuoia the thlak a nia, Adam chu Setan thlemna leiin suola tluin, Adam suolna leiin hnuoi chuh Pathien ansie phur a hung ni ta a ni (Gen,3:17). Chuleiin chun, van hmasa le hnuoi hmasa a, Adam hringna chu Pathien Thienghlim chengna tlak an lo ni ta nawh a, Pathien chengna tlak ni dingin suola inthaww intlan suok an lo trul ta a ni. Mihriem thar chu Krista a siem a nih (2 Kor,5:17). Hnuoi hmasa le van hmasa chu meiin a suk thienghlim ding a ni 2Pet,3:7, Thupuong 21,:1,5 haia hin ei hmu.

Mihriem hi Pathien angpuia siem (Gen,1:27) sie le tha hriena hmang dit thlang thei a ni, Pathien tlanna a pawm chun sandam ni ding le a pawmna chun sandam ni lo ding a nih. Thilsiemhai ruok chu intlan chau an ngai a, sandamna an ngai nawh. Chuleiin, ringtuhai hi an thlarau chau sandam ni loin an taksa khaww sandam a nih. Krista a hung nawk pha a ma ringtu a la damhai chu an taksa suk danglamin um an ta, Krista a lo thi ta hai taksa chu keithoin boruoka la tung a ti 1Thess, 2:17. Thonawkna taksa chu taksa thienghlim (glorified body) ning a ta, Isu Krista a thonaww ang bawkin a ma ringtuhai khaww an thonaww ding a nih. Mihriem taksa hi thil bul (element)sawm le pali a siem a ni a, chuonghai chu; oxygen, hydrogen, carbon dioxide, nitrogen, sulphur, phosphorus, calcium, sodium, potassium, magnesium, chlorine, Iron, zinc le selicon an ni, hieng element hai hi pilvuta an um baww. Hi lei hin mihriem hi pilvuta siem ei ni zie a suk lang a nih- Gen, 2:7.

Thonawkna taksa a chun hieng elemt hai hi um ta naw ni-2Kor 15:50. Nisienlakhaww, Isu’n thilsiemhai po po an tlan leiin khawvel tawpa chun thilsiemhai po po a rut khaww vawng ding a ni, Thupuongsuo 5 a Isun inchikna pasari lekha ziel a hawng ei hmua, hi hin thilsiem po po khaww hi Pathienin an tlan vawng a ni thu a tarlang, Leviticu, 25. Thuthlunglui huna thil intlan suok dan chun; Lekhazuol (scoll) sungtieng le puotieng ziek char (seal) chu tempula thiempu kuta an inkawltir chuh. An tlansuoktu ding chun intlan man chu a pek a chun inchikna hai chu a hawng a, mi an nawleh thil chu an tlansuok hlak. Chuong ang bawkin khawvel tawpa chun Adam suol leia thilsiemhai setanin a manhai chu Isu’n a sansuok ding a ni, saten chun awlsam takin inthla naw ni. Chuleiin, Krista chun Pathien lungsenna, hremna le a hratna ropui tak hmangin a cham loin setan kuta inthawkin a lak suok ding a ni; chu ding chun inchikna pasari hawng le tawtawrawt pasari mut le berbu pasari bunthlak hai khi a hmang ding a nih. Busiktu ringum tak chun inhmai nei lova buvuihai kim taka a lak khaww angin, khawvel tawpa chun Krista chun a sandam a mihai chu kim takin a rut khaww ding a nih. An tlanna le a sandamna famkimna hin Pathien ringumna le a ropui zie a tarlang.

Pathumna: A malsawmna inchat lova a pek hin a ringumna ropui zie a tarlang- Sam,68:19 a chun “ Ei sandamna Pathien Lalpa nitina hamthratnahaia mi vurtu chu inpakin um rawse” a tia. Sam,103 ziekto chun Lalpa an pakna san chu; bohmanagna a inthawkin a sandam a, a ritlona po

Thuthlunglui ei en chun Israelhai hin Pathien hi an in huk pui zie le an ni Pathien chau a ni zie hi hmu ding tam tak a um, chuchau chu an nawh, Pathien ngei khawmin Israel Pathien a nizie Ama le Ama an puong hlak baww. Hnam dang sertanlohai chu sakhuo le pathien neiloin an ngai baww, indonaa lem chu Pathien ngei khoma anni hai chu that chi mit vawng ding tiin thu a pek hlak a nih. Hieng ang ringna le sakhuona **“Pathien bik” “thlang bik”** na khawvel a, Israel mi le sa ni ve lo hai ta ding a, beisei ding um thrak lo laiin, thuthlunglui huna Abraham Pathien, Isak Pathien, Jacob Pathien, Israel Pathien tia an lo ko hlak Pathien chu, ami hai sandam ding le an ni laia cheng dinga Bethlehem a hung piengthu; Israel khuo le tui nina chang ve lo, khawsak mivarhaiin an hriet hmasa el hi an ta dingin chanchintha chu a va ni ngei de maw? Ranthlenga hung pieng Isu hin **“BIK” khawvel “Pathien bik le thlang bik” ram chu a hung thrieka**, Johanin “Nisienlakhaww, ama lawmtu le a hming ringtu taphawt chu Pathien nau ni theina a pek”, Johan 1:12 a ti angin, Pathien chu, Israel Pathien bik an ta naw a, Israel chu Pathienin a thlang bik an ta baww nawh. Ama Isu lo lawmtu le ringtuhai chu Pathien nau an hung ni ta lem a ni. Hi hi a ni chanchintha chu.

Iengleia, a lal neitu Judahai abikin thiempu lal hai le Dan hretu hai meu khawma Isu Krista pieng an hriet naw am ning a ta? Pathien hnam thlang Judahai lal dinga pieng nisi, Pathien neitu a insal Judahaiin an lal pieng an hriet naw el hi, a san l ngaituo hlak am? Chanchintha Johan

1:11 a chun hieng hin an ziek, “Ama rama ngei a hung a, a mihaiin an lo lawm si nawh, ”Mathaiin thrahnemngaitakin Bethlehem naute hung pieng naute hi, an lal Messiah a ni ti inhriettir nuom hle sienkhaww, mivarhaia inthaww a Herodin a hriet hnungin an hriet chau a ni, Herod lungzingin thiempu lal hai le Dan hretuhai chu a ko khaww tawl a chuphing chun an lal Messiah hi an ngaiven a, a piengna hmun zawng dingin an dan-bu an tiem tran chau nisien a hoi. Pathien hi a ma zongtuhai kuoma inpuong hlak Pathien a ni a, Jeremia 29:13a chun “Mi zong in ta, in lungril po poa in mi zong huna chun mi hmung in tih,” tiin a hril. Israel khaww nisen an zong naw chun Pathien hmu theiin an puong ngai nawh. Israelhai ang bawkin, inti Pathien neitu deuin, sakhuona le dan hre inti fuin, Isu Krista pieng Kristmas umzie la hre fie lo ni pal ei ti, ti hi in lau um deu a nih. Judahai lal hung pieng hrea naute chawibiek dinga ram hla taka inthaww hung mivarhai hi tuihai hrim am an na? Judahai lal hung pieng chu iengtinam an ni hin an hrietthei ning a ta? Naute chawibiek dinga thil pek hlu tak tak le an hung inthaww el hi, nautea inthaww hin lem an beisei ning a ta? Ti hai hi biblein a san mi hril fie pek vawng naw sienkhaww a san a um ngei ring a um.

Khawsak mivarhai hi tuham an ni awm a ? Khawsak mivar (magi from

po a ngaidama, a bau chu thilthrain a suksipa tiin, hienghai hi eini ta ding khawmin an dik a nih. Jakob,1:17 a chun thilthra ei hmu hai hrim hrim hi chungtieng Pa kuoma inthawka ei hmu a ni thu a mi hril. Vawisun hin khawvel pumpuia mihriem tluk –le-dingawn sawmnga neka tam ei um a, tiem senglo ran le thilhring an um bawk, hienghai po po nitina an fak ding tlasam loin a pek, boruok thra ei hip senglo a siem, ei dawn senglo tui a mi pek, nisa lem le var suma ei inchawk ruollo nitin threl loin a mi pek bawk, ei hringna, ei hriselna, hratna, varna, thiemna, sil le bil chengna ding in, ei invak velna ding motor le thil dang dang tiem senglo a malsawmna chat lovin a mi pek a. Pathien chun mihriem le a thilsiem laka bat pakhat khawm a nei nawh. A malsawmna ei dawng hai po po hi, a thratna, a lunginsietna, a hmangeina le a ringumna lei chaw a mi pek a nih. Hmar hnam khawmin ei phu bak Pathien malsawmna ei dawng a, hnam chom, dai killar mi, mi mihriet phaklo, mihriem laia tiem tlak khawm nilo, ramsa ang chau ei ni ti hla phuoktuhaian an lo ti angin, state chu hrillo, district khawm ei nei zo nawh. Ei hausaknan mi hausakna a phak bawk nawh, nisienlakhawm Pathienin nasatakin mal a mi sawm, tu hin chu Pathien zar chauin Hmar lai hin Kristien naw ei um ta kher naw el thei. A hnama hril chun sandamna la hrelo ei um ta naw ka ring. Sawrkar sin le inchukna tieng nasatakin hma ei sawn a. India Hmar saka IAS direct recruit hmasa tak chu famta Pu Jamchonga Nampui a ni, vawisun hin India khawpui Delhia khawm sang neka tam ei um taa, tamtak chun sin thra tak tak ei chel, hienghai hi Pathien malsawmna a ni. A malsawmna hai hi ama ropuina dinga hmang ding a nih.

Delhia Hmar Christian Fellowshipin thlarau bohmag sangkhat neka tam sandamna huonga in thruoilut tah ti ka hrietin lawmum ka em em, khawvel mi haiin inrawngbawlina ropui zie hre naw ni hai. Nisienkhawm Pathtienin a hriet chun a hun tawk. Kum tamtak liemta a khan Prime Minister Jawaharlal Nehru chun Andra Pradesh lawngchawlina khawpui Vizagapatnama mipui lai thu a hril a, tuolsung hotuhaiin an ngaisang bek lo Pu. V.K Rao a hnungtienga an inthrungrtir chu, A thu hril zo chun Nehru chun “Hi inkhawmna a hin V.K Rao a um an ta, Khawlam a um a?” ti a an dawn chun an rangthei angin V.K Rao chu an zawng suoka Nehru le chun an inhmua, V.K Rao chu tuolsung hotuhaiin an ngaisang nawna chu paw a ti nawh. India Prime Ministerin a hriet chu a ta dingin lawm a um lem. Chuong ang chun Khawvel mihaiin in rawngbawlina hi a pawimawna le a ropui zie hre nawhai sienkhawm hnuoi le van siemt Pathienin a hriet chun a hun tawk. Hla siemtun a lo hril angin “The Master praises, what are men ?” Lalpan a mi lawm chun a hun tawk, mihriemhai chu iem an na? Hnam chom le hmusit um hai domsangtu chu Pathien a ni, Dan 4:17 a chun “Achunghnung tak (Pathien) chun mihriemhai chua ro a rel a, a nuom nuom a pek a, a hnuoihnung takhai chu a domsanga” Dan 11:32 a chun “An Pathien hretu mihai chu hrat an ta thil ropui tak tak thawng an tih” a ti bawk. Ringumtak ei Pathien inngatin ei tum suk sang ei tiu. Thrangtharhai chun All India level chau tum lovin World level tum lem ro. Kei Pherzawl High School suokin IAS ka passed thei chun Delhi le khawpui dang dang a seiliena lekha

inchukhai chun a pakhatna ni in tum ding a ni. Amiruok chu, varna, thiemna, insangna le malsawmna dang dang ei

donghai chu a mi petu Lalpa ropuina dingin ei hmang ding a nih. Lalpan malsawm seng ro se cheu.

JUDAHAI LAL HUNG PIENG CHU KHAWLAI AMA UMA?

Pastor Lalsiesang Zote.
21-December-2013

Lal Heroda inlal laia Judahai ram Bethlehem a Isu a hung pieng chun, khawsak tienga inthokin Jerusalemah mivarhai an hung “Judahai lal hung pieng chu khaw lai am a um a? Khawsak tieng a arasi kan hmu a, ama chawibiek dingin kan hung a nih” an ta. Mathai 2:1,2.

Bible thiemhai hril dan chun, chanchintha Mathai hi a ziektu Mathai, Levi tia hriet bawkin a chipui Judahai kuoma Isu Krista hi Judahai in an beisei an lal Messiah a ni ti an hriet theina dinga Juda trang hma awn deua a ziektu a ni an tia, an hril ang rengen Isu Krista chanchin a hang hril tran dan khawm Israelhaiin an ngaisang em em an pu Abraham naupa, Davida naupa Isu Krista tiin a tran reng a nih. Isu tawngbau ngei khawmin Israel hnam, beram inhmanghai laia chauh tir a ni thu a hril bawk-Mathai 15:24. Khawsak tienga mivarhai ngei khawmin Bethlehem a pieng Isu chu Judahai lal a ni zie an puong bawk. Pathien ngei khawmin, thlawmtak a Bethlehem ranbu pekna ina hung pieng Isu Krista hi, A hnam tlang a duot em em Israelhai sandamtu dinga a lo tiem, zawlnei hai hmanga a lo hril lawk ngei “Messiah” a ni ti hi hre mawlhaisien a nuom luotin, zawlnei hai hmangin a lo hril lawk a, “Nang Bethlehem Judai rama mi, Judai rama roreltu hai lai hi I chin tak naw top, I sunga inthawkin roreltu, A hung suok ding a ni si a, Ka mi Israelhai awptu ding chu” tiin. Amiruok chu, a nghakhla em em el Isu Krista a hung pieng chu Pathien hnam tlang Israelhaiin hre lo a, Pathien mi ni lo ram dang mi, Jentel hnam a mi Khawsak tieng mivarhaiin an hriet hmasa lem tlat el hi, thil mak a thling a nih!